



Broj.01-02-1-276/24
Datum: 19.02.2024.g.

Na osnovu člana 17. stav 1. tačka 3. Statuta Općine Travnik („Prečišćeni tekst Službene novine Općine Travnik“, broj 11/05) i Programa utroška sredstava iz Budžeta Općine Travnik sa budžetske stavke „Poticaj izdavaštvu“ u 2024.godini, načelnik Općine Travnik, **u p u ć u j e**

JAVNI POZIV
za dostavljanje prijava po osnovu Programa utroška sredstava iz Budžeta Općine Travnik
„Poticaj izdavaštvu“ u 2024.godini

Općina Travnik oglašava Javni poziv za dostavljanje prijava za poticaj izdavaštvu iz Budžeta Općine Travnik za 2024.godinu.

Pravo učešća na Javnom pozivu imaju izdavači i autori koji rad obavljaju prvi put u 2024.godini.

Raspoloživa sredstva prema području u okviru kojih će se vršiti izbor korisnika iznose kako slijedi:

- I. 5.000,00 KM za oblast podrške autorima za objavljivanje knjiga
- II. 5.000,00 KM za organizaciju književnih događaja i promociju knjiga i autora

Sredstva za oblast I i II će se dodijeljivati korisnicima u rasponu od 300,00 KM do 1.500,00 KM.

Ukoliko sredstva iz oblasti I ostanu neutrošena, mogu se utrošiti u oblast II, i obrnuto.

Javni poziv za podnošenje prijava za poticaj izdavaštvu iz Budžeta Općine Travnik za 2024. realizovat će se do kraja 2024. godine, odnosno do utroška sredstava sa ove budžetske stavke.

Za ostvarivanje predmetnih podsticaja kandidati su uz prijavu na Javni poziv dužni dostaviti sljedeću dokumentaciju:

- Rješenje o registraciji izdavačke kuće ili izjavu o autorskim pravima
- Detaljan opis izdavačkog projekta, uključujući plan promocije i distribucije
- Finansijski plan i troškovnik projekta
- Ovjerenu izjavu da će nakon završenog projekta, podnijeti detaljan izvještaj uz predočenje finansijskih troškova
- Kopija transakcijskog računa

Prijave sa dokumentacijom se predaju na Protokol Općine Travnik u zatvorenoj koverti, na adresu Općina Travnik, „Služba za razvoj, privredu i vanprivredu“, sa naznakom „Prijava na javni poziv po osnovu Programa utroška sredstava iz Budžeta Općine Travnik „Poticaj izdavaštvu“ u 2024.godini.

Prijave na javni poziv mogu se podnositi do 25-og u tekućem mjesecu, a Komisija za odabir korisnika, imenovana od strane načelnika Općine, će pristigle zahtjeve razmotriti do kraja mjeseca i rezultate objaviti najkasnije do 5-og narednog mjeseca, na web stranici Općine Travnik.

Nepotpune i neblagovremene prijave neće se uzimati u razmatranje.

Isplata poticajnih sredstava će se vršiti putem transakcijskih računa korisnika otvorenih kod poslovnih banaka.



N A Č E L N I K
dr. sci. Kenan Dautović